



**R. P. Sebastiani Izquierdo Alcarazensis Societ. Iesv Regii  
Senatvs S. Inqvisitionis Hispaniarvm Qualificatoris, Et  
Olim Complvti Sacræ Theologiæ Professoris. Opvs  
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

**Izquierdo, Sebastián**

**Romae, 1664**

Quæst. 2. Vtrum intellectus creatus ad videndum Deum intuitiuè aliquo lumine gloriæ indigeat.

---

[urn:nbn:de:hbz:466:1-76990](#)

do loquendi dumtaxat, an intellectus creatus ad visionem beatificam per potentiam naturalem, seu innatam, an potius per potentiam obedientiam concurrere dicendus sit. In quo etiam sunt diuersi Auctores relati.

## Propositio 1.

5 Intellectus creatus ad visionem Dei intuitivam non solum passiuè, sed etiam esse & iuvè concurrit.

Primo; quia ita concurrit ad omnes suas alias naturales intellecções, ut in Pharo disp. 1, q. 1. ostensum est. Neque est, cur de visione beatificā aliter, quod ad rem attinet, quām de illis, philosophemur; et si hęc prae illis sit supernaturalis. Siquidem actus etiam fidei diuinæ, quos in præsenti statu habemus, sunt supernaturales; & tamen hi citra omne dubium per voluntatis imperium nascuntur ab intellectu effectiū; cūm sint liberi, & meritorij: certum enim est, meritum citra efficientiam merentis dari non posse. Secundò; quia certum est secundū fidem ex Triden. sess. 6. cap. 5. & can. 4. actus supernaturales voluntatis effectiū à voluntate ipsa procedere. Qualiter debere necessariò procedere ex ipso, quod sunt liberi, & meritorij insuper manifestum est; cūm sit pariter manifestum, libertatem sine efficientiā principiū liberi stare non posse. Ergo tantumdem est dicendum, quie actibus supernaturalibus intellectus, ē quibus est visio beatifica. Tertiò; quia visio beatifica est actus vitalis, ut constat. Omnis autem actus vitalis connaturaliter saltem debet per effectiōem oriū à principio viuente. Dico connaturaliter saltem: quia mēa sententiā visio beatifica non importat in suo conceptu essentiali actionē physi- cam oriundam ab intellectu videntis, utpote, quae non physica, sed intentionali tantum vitā vitalis actus est; atque ita à solo Deo produci potest, infundique intellectū Beati de potentia absolute, ut ex doctrinā vniuersali de intellectione humana in genere traditā in Pharo disp. 2, q. 1, proposit. 1. confit. Dotentque, prater citatos ibi, Valent. 1. p. disp. 1. q. 12. pun. 3. Salas 1, 2, tract. 2. disp. 2. sec. 4. Egid. Lufit. lib. 10. de Beat. q. 1. art. 4. §. 2. Recupit. 1. p. lib. 6. q. 9. Et apud eos alij cum Scot. Ocham, Duran. & Rocard. relatis n. 2,

6 Obici tamen potest contra propositionem, Primo. Gratiam, & gloriam dabit Dominus. Psal. 83. Sed Deus se solo producit gloriam. Ergo & gloriam consistenti in visione beatifica. Secundò. Primum est adiquatè à premiante, sicut meritum à merente. Sed visio beatifica est primum à Deo vt premiante collatum. Ergo, Tertiò. A solo Dso est lumen gloriae. Ergo potiori iure visio perfectior lumine. Quartò. Si visio fieret ab intellectu Beati, Beatus beatificaret se, ipsum; sivece cessare à suā beatitudine posset, Quod vtrumque est absurdum,

7 Respondeo ad primum, gratiam, & gloriam dari à Deo; sed diuerso modo: quia gloria actus vitalis est, secis gratia scilicet habitualis. Et ideo gloriam Deus se solo, gloriam verò simul cum intellectu Beati producit. Ad secundum, necesse non est, quod primum à solo premiante oriatur physicè; potest enim & premiatus ad illud concurrere; præterim concursu sibi non libero, ut euénit in præsenti. Ad tertium, lumen, utpote quod non est actus vitalis, à solo

Deo venire efficiendum; secus visionem, que actus vitalis est, ut dictum. Quidquid sit de maiori huius perfectione. Ad quartum, Beatum non dici beatificare se ipsum, et si suam beatitudinem efficiat physicè; quia non efficit libertè. Quo etiam iure ab illa cessare non potest. Alia quædam vniuersalia q. illa 1. Phari citata nuper opposita, & diluta sunt,

## Propositio 2.

Aptius videntur loqui, qui intellectum & creatum concurrere ut instrumentum dicunt ad visionem beatificam.

Quia concurrens elevatus, & determinatus, atque adeo veluti motus à Deo ad effectum supernaturale altioris ordinis, sicutque proinde superantem naturalem virtutem, exigentiam, & debitum. In quo arte factorum instrumentis potius, quām causis principalibus assimilatur. Vnde analogia petenda est ad discernendum, & decernendum, quānam effectum naturalium causæ instrumentales, & quānam causæ principales dicendæ sint. In quo, cūm nullum de re, sed folum de modo loquendi dissidium sit, non est cur amplius immoretur.

## Propositio 3.

Intellectus creatus non virtute naturali, sed summum innatā, seu congenitā, obedientialique est dicendus concurrere ad visionem beatificam.

Quia nomine virtutis naturalis ea solum venit intelligenda iuxta communem loquendi motum, quam habent causæ respectu suorum effectuum connaturalium. Constat autem ex dictis in superioribus, visionem beatificam non esse connaturalē effectum intellectus creatus; cūm sit illi supernaturalis. Ceterum, quia virtus, media qua intellectus creatus concurrens ad visionem beatificam, cum ipso est identificata realiter, non abs iure à quibusdam dicitur virtus innata, sive congenita. Quoniam verò huiusmodi virtus nihil in visionem præstare potest, nisi elevata à Deo, adiutoraque auxilio aliquo supernaturali, & ei prorsus indebito, ut ex dicendis appearit; ipsaque visio comparatione eius supernaturalis est, & indebita, ut confit ex iam dictis; idcirco virtus obedientialis, atque etiam virtus inchoata appellari solet. Quibus vocabulis eius specialis natura prout conditinst à virtute, quam habent cause ad suos connaturales effectus, significari intenditur. In quo etiam maius dissidium, quam de modo loquendi, esse non potest, ut iam notaimus,

## QVÆSTIO II.

Vtrum intellectus creatus ad videndum Deum intuituè aliquo lumine gloriae indiget.

## Propositio unica.

Certum secundū fidem est, intellectus  
etum

## Disp. XIX. De principijs Visionis Dei. Quæst. II. 585

Quum creatum aliquo lumine gloriae indigere ad videndum Deum intuituē.

Quoniam in Concilio Vienensi relato in Clementinā *Ad nostrum de hereticis tanquam error contra fidem damnata est assertio Beguadorum dicentium, quod qualibet intellectualis natura in se ipsa naturaliter est beata: quodque anima non indiget lumine gloriae ipsum eleuante ad Deum videndum, & eo beatè fruendum.* Vnde contradictionis eius de fide est, vt talisque accipiunt ab Scholasticis cum Magist. in 4. diff. 49. & S. Thom. 1. p. q. 12. art. 5. Probarique insuper potest ex scriptis Literis. Nam illud Psal. 35. *In lumine tuo videbimus lumen.* communiter ad litteram ita intelligitur, vt sensus sit. Per lumen à te nobis infusum videbimus ó Deus te ipsum, qui lumen es, lucemque habitas inaccessibilem. Videantur ad hunc locum Genebrardus, Lyra, Titelmanus, & alij Expositores. Illa etiam claritas Dei, quæ cælestem ciuitatem illuminare dicitur Apocalip. 21. lumen gloriae, de quo agimus, esse censetur. In quo adstruendo etiam conueniunt Patres, Nazian. orat. 10. Ambro. epist. 85. Beda serm. 18. de Sandis, & alij.

Ratione etiam theologica ostenditur necessitas eius, & existentia. Nam, cùm visio Dei intuituē supra virtutem naturalem intellectus creatus sit, vt disp. 17. q. 8. statuimus, vt pote donum intrinsecè supernaturale, proindeque transcendentis vires vniuersa natura, iuxta doctrinam stabilitam disp. 18. q. 7. nequaquam intellectus creatus potest videre Deum, nisi dono aliquo superioris ordinis diuinissimi illi collato ad eum videndum eleuet, & adiuuet. Quod donum lumen gloriae vocatur. Adde. Ad actus fidei, & charitatis iuuantur intellectus, & voluntas supernaturalibus donis, vt certum in Theologiâ est. Ergo potiori iure ad præstantiorem actum visionis Dei. Sed an eiusmodi lumen ex mente etiam Concilij Vienensis sit qualitas per modum habitus permanentis, & à Deo infusa supra natura debitum, vel potius genus aliud auxiliij, seu doni supernaturalis aut permanentis, aut transuentis, non adeò est inter Theologos exploratum.

12 Nonnulli enim, quos tacito nomine refert Soar. lib. 2. de Attrib. cap. 14. per lumen gloriae à Concilio Vienensi statutum intelligunt lumen Dei increatum. Sed ab omnibus reiciuntur. Primo; quia fruolus esset sensus Concilii, nihilque referens momenti contra Beguadorum errorem; nempe. *Anima indiget Deum ad videndum Deum.* Secundo; quia Concilium planè loquitur de lumine gloriae, de quo Theologi communiter. Lumen autem gloriae, de quo agunt Theologi, manifestè est quid-creatum, infusumque à Deo creatura. Tertiò; quia in Concilio sermo est de lumine gloriae eleuante animam ad Deum videndum; quale non potest non esse aliquid creatum, & ipsi anima superadditum: cùm Deus per se ipsum formaliter non sit eius eleuatio, vt est notum. Quartò denique; quia in illo Psal. 35. *In lumine tuo videbimus lumen.* manifestè distinguuntur duo lumina; alterum scilicet creatum, & alterum increatum.

13 Alij apud Atreolum quodl. 9. art. 1. quibus ipse consentire videtur, & fauet Vazq. disp. 41. num. 16. & disp. 42. num. 5. censuerunt, per lumen gloriae stabilitum à Concilio ipsam visionem, beatificam intelligi posse, vt pote quæ illustratio, & illuminatio quædam intellectus creatus est. Sed

malè. Quia Theologi, quibus Concilium annuit, nomine luminis gloriae nequaquam visionem ipsam intelligunt. Nec dici potest anima indigere visione eleuante ad videndum Deum, vt loquitur Concilium de lumine. Estet enim ineptissima, & extra rem loquitor Concilij, vt appareret.

Alij citati etiam à Soar. suppresso nomine arbitrantur, per prædictum lumen auxilium aliquod actualē, sive concursum per modum actus secundi intelligi posse: quibus consentire videtur Scot. in 3. diff. 14. q. 2. & in 4. diff. 43. q. 11. qui, cùm existimet, visionem à solo Deo produci, habente se mèrè passiū intellectu creato, nullum prorsus lumen admittit præium ad productionem visionis. Quare apud ipsam lumen, quod Concilium requirit aut productio visionis, aut visio ipsa debet esse. Sed neque isti bene opinantur. Quia communis usurpatio, propriaque luminis acceptio, quam abique dubio Concilium sequitur, ab hac, quam isti assignant, aliena est, vt iam cum communi declaro, & probo.

Etenim communis Theologorum sententia est, lumen gloriae repertum in Beatis, de quo Concilium Vienense loquitur, habitum quendam infusum esse supernaturale, & permanentem, quo intellectus Beatorum eleuatur, innaturaque ad videndum Deum. Quod suadetur. Primo; quia hoc sensu accipiunt Scholastici lumen gloriae communiter; eloque sensus magis proprius: nam, sicut hoc lumen corporeum qualitas quedam est prævia ad visionem corpoream; ita lumen beatificum, ad quod à corporeo nomen translatum est, qualitas quadam debet esse prævia ad beatificam visionem, si cum aliqua proprietate loquendum sit. Concilium autem absque dubio censendum est loqui de lumine iuxta acceptionem magis propriam, & ab Scholasticis receptam. Secundo; quia Concilium de lumine eleuante animam ad Deum videndum agit. Nihilio autem magis propriè, quām habitus infuso dicitur eleuari. Tertiò; quia Concilium duo distinctè definit, videlicet, visionem Dei non esse nobis naturalem, & requiri lumen gloriae ad Deum videndum. In primo & existentia visionis, & auxiliij, concursuque Dei ad eam indebiti subauditur. Ergo per secundum aliquid aliud asseritur, quod nequit esse, nisi habitus præius ad illam, atque permanentis. Quartò; quia communis Theologorum consensu, quorum multi putant esse de fide, per habitus infusos, & permanentes eleuantur potentiae nostræ ad actus supernaturales fidei, spei, & charitatis, aliarumque virtutum. Ergo potiori iure ad præstantissimum actum visionis beatificæ censendus est intellectus posteri patre eleuari tum re ipsa, tum ex mente Concilij. Quinto; quia, licet de potentia absoluta possit intellectus noster adiutus auxilio extrinseco absque habitu sibi infuso videre Deum; de quo posse: tamen connaturalius est, quod per intrinsecum habitum ad id munetis eleuetur. Ergo de facto talis habitus censendus est dari in Beatis: ilumque subinde Concilium nomine luminis intelligere.

Propter hanc concordiam Theologorum assertio est intellectum Beatorum de facto per habitum permanentem supernaturale, & infusum eleuari ad videndum Deum: talemque habitum nomine luminis gloriae venire appellandum. Quam quidem assertionem multi Theologi, quos refert Egid. Luis. lib. 9. de Beat. q. 4. art. 2. proper definitionem Concilij Vienensis censent esse

de fide. Et quamus Bann. 1.p q.12. art.5. dub. 1. Mol. ibid. disp. 1. Valen. punc. 3. Vazq. disp. 42. cap. 2. Arrub. disp. 20. Soar. lib. 2. de Atrib. cap. 14. Salas 1.2. tract. 2. disp. 1. n.26. & disp. 5. n.50. Fafol. 1.p q.11. art. 5. dub. 1. Heric. disp. 45. cap. 5. Lorin. in Psal. 35. vers. 10. & alij plures arbitrentur, eam ad fidei dogmata non pertinere; eo quod non adeo expresse, & directe continentur in decreto Concilij: plerique tamen, damnant oppositam tanquam censurā dignam. Molina enim, & Arrubal temerarium, & periculorum censem, negare Beatis lumen gloriae per modum habitus infusum. Valentia valde temerarium, & quod contra fidem re ipsa putari posuit. Salas non posse excusari ab omni nota, Nazarius, & Ripa non sustineri fine errore, illi contr. 1. concl. 3. hic 1.p. q.12.art.5. dub. 2. Egid. denique supra cum alijs plane defendit, esse errorneum.

<sup>17</sup> Ex quibus apparet, feueriori adhuc nota dignum esse Durandum in 4. dist. 49. q. 2. opinantem in nostro intellectu vim sufficiensem, naturamque efficacitatem esse ad videndum Deum intuitiuē, sublato semel per gratiam Dei impedimentoo, quod pro praesenti statu habemus ad illum videndum, absque alio supernaturali dono. Videtur enim doctrina haec supra dictae definitioni Concilij plane aduersari. Quocirca illum plane erroneam censem Valentia, & Vazq. erroris nota non carere,

### QVÆSTIO III.

*Qualiter ad causandam visionem beatificam concurreat lumen gloriae.*

<sup>18</sup> Suppono primò tanquam certum, lumen gloriae non ad solum ornatum, decorumque intellectus Beatorum dari, vt improbabiliter dixerunt Mayron, & Bassolis apud Egid. Lust. lib. 9. de Beat. q. 5. art. 1. Constat enim ex Coacilio Vienensi, vt vidimus q. 2. dari illud ad eleandrum ipsum Beatorum intellectum, vt videat Deum; atque adeo ut causet aliquo modo visionem Dei. Ceterum, quia intellectus Beatorum bifariam concurrit ad causandam visionem, pasiuē videlicet, & actiue, vt quæst. 1. statutum est.

<sup>19</sup> Suppono secundò etiam ut certum apud omnes, lumen gloriae intellectui Beatorum dari, vt illum eleuet, atque adeo adiuvet ad causandam effectiue visionem. Hoc enim ipso, quod Deum videre intuitiuē, supernaturale est, & indebitum intellectui creato, supernaturale quoque, & indebitum ipsi est, efficere in se suam visionem; atque adeo, ut eam valeat efficiere, eleuatione, eger, iuamineque supernaturali sibi, & indebito: quale lumen est. Vnde, manifeste consequitur, lumen gloriae simul cum intellectu Beati aliquā ratione concurreat ad efficiendam visionem. intra genus causa efficientis. Quod etiam apud omnes est in confesso.

<sup>20</sup> Sed dubitari potest primò, vtrum lumen gloriae ut causa, an solum ut conditio causandi concurreat ad efficiendam visionem cum intellectu. Secundò dubitari potest, si est causa effectiua visionis, an principalis, an vero instrumentalis

st. Terriò, an detur, necessariumque sit pro eleuando intellectu non solum ad efficiendam, sed etiam ad recipiendam visionem, ita, vt non solum in genere causa efficientis, vt fatentur omnes, sed etiam in genere causa materialis, passiuæ, seu receptivæ concurrat ad visionem; idque aut dispositiuē solum, aut etiam receptivæ saltem partialiter.

Suppono tertio etiam ut certum, intellectui creato prout instructo, atque eleuato lumine gloriarum connaturalē esse, & debitam visionem beatificam: quia est connaturalis, & debita ipsi lumini; atque adeo etiam intellectui prout lumine instructo. Univeraliter enim accidens indebitum, atque adeo supernaturale naturæ secundum se considerate præcisè, connaturalē evadit, & debitum complexo ex naturâ, & ex alio quopiam supernaturali, cui illud prout tali natura coniunctio connaturale, & debitum est; atque adeo & ipsi naturæ prout per tale quid ad tale accidens elevante. In quo re ipsa omnes Theologi consentiunt, tametsi quoad modum loquendi vnu, aut alter scrupulosè, sed plus iusto, videatur procedere. De quo plura Fafol. 1.p. q.12. art. 5. dubit. 11. & Recupit. lib. 6. q.17. à n.7.

His postris, circa primum dubium propositionem n. 20, sunt, qui putauerint, lumen gloriae concurreat cum intellectu ad efficiendam visionem non ut causa, sive principium factiuum eius, sed tantum ut conditionem causandi. Pro qua sententia refert Recupit. ibid. n.1. Scot. in 4. dist. 14. q. 2. art. 2. Ocham. disp. 13. art. 5. ad 6. Maior. in 3. dist. 14. q. 4. Durand. in 4. dist. 49. q. 2. n.21. & Aureol. quodl. 9. propos. 1. Contraria tamen sententia tribuens lumini concurredum effectuum visionis communis est. Quam tenent Mol. 1.p. q.12. art. 5. disp. 1. Zumel. q. 2. Soar. lib. 2. cap. 15. Becan. cap. 9. q.3. Trigol. q.7. art. 1. dub. 4. Fafol. dubit. 5. Amic. disp. 9. sec. 9. Recupit. supra, Salas 1.2. tract. 2. disp. 5. sec. 3. & apud eos reliqui.

Circa secundum autem dubium propositionem n. 20. prima sententia est, lumen gloriae concurreat ad efficiendam visionem ut causam principalem. Ita Vazq. 1.p. disp. 47. n.38. Arrub. disp. 19. cap. 7. Machin. disp. 16. sec. 6. Zumel disp. 2. post 3. concl. Theod. Smifing. de Deo uno tract. 2. disp. 6. q.4. n.92. & alij relati suppresso nomine à Fafol. 1.p. q.12. art. 5. dubit. 8. Secunda vero sententia est, concurreat ut causam instrumentalem. Sic Fafol. ibi, & Recupit. lib. 6. q. 17. à n. 5. Quibus quodammodo consentiunt Soar. disp. 30. Met. n.45. & Franc. Amic. 1.p. disp. 9. sec. 11.

Circa tertium denique dubium in eodem numer. 20. propositionem est prima sententia, lumen gloriae nullatenus esse necessarium in genere causa materialis ad hoc, vt intellectus creatus valeat recipere visionem; proindeque neque ad id munus conferri, vt eleuet intellectum, ipsumque iuuet ad eiusmodi receptionem sive ut dispositionem, seu conditionem dispositiuam, sive ut pariale subiectum ipsius visionis. Sic sentiunt Mol. 1.p. q.12. art. 5. disp. 1. Vazq. disp. 43. Soar. lib. 2. cap. 15. Heric. disp. 45. cap. 2. Tann. disp. 2. q.6. dub. 4. Fafol. dubit. 4. Arriag. disp. 7. sec. 4. subl. 1. & apud eos alij plures. Pro opposita tamen sententia afferente, lumen gloriae requiri tam dispositionem esse, vt intellectus recipiat visionem beatificam; eoque subinde etiam titulo dari, vt ad talem receptionem eleuet illum, stant com.